

何嘉賦圖書

醫方彙編

光緒十四年新鐫

皮膚新編

羊城博濟醫局藏板

皮膚新編

皮膚諸症論

夫皮膚之症不一而足大抵初患症者該處之皮則或變色及
暑發紅或生鱗及生癢粒或生水泡及生大水泡或生小瘡及
生細軟肉瘤其各種形狀醫者宜平日洞悉於中也若患症畧
久者則該皮或變爛或出嚙或結靨或生疤甚至全愈後而該
處尙帶暗昧醫者概宜細察也○一皮之變色有五其一患
症之處該皮則失去原色而變却白色其二細驗患處而恍
若有枝相連者則皮色因而變壞其三若因疔毒而致者皮
亦變色其四或因微絲血管而血滯於內則該處之皮卽生

黑點

其五或服硝磺銀水等藥過多則皮亦將變黑色也○

一皮色發紅有兩種

一因皮膚有患而卽行發出者

一因

體內有症而始行發出者蓋患症之處始則發紅漸則畧腫而且按之則熱及有刺痛大約經數日而各弊始散也散後則或脫去上面之皮或出嚙或該處皮畧生厚醫者亦宜驗及○一論癢粒蓋癢粒之形畧尖畧凸而畧硬其色則白或畧帶紅而惟粒底則不甚覺紅也若小粒之頭間或畧函清水而一經搔破則將有水及微血流出大抵其生在四肢之外者該粒則雖小而頗硬其生在四肢之裏及面頸等處者該粒則畧大而頗軟惟手心脚心則鮮生是症他如因疔毒而致者其癢粒則較

大此則或散開而生或合聚而生也而惟合聚於一處者則將由漸而生潤所以患此症者時有作癢皮亦因而畧厚斷非一朝一夕所能治者也○一論小水泡蓋此泡先由內層水漲故外層之皮卽凸起也顧此症有分開而生者有相連而生者該泡若破卽流清水迨清水流畢而患口仍有膿水滲出將來結靨卽在此患處也又有濁水流之過多及出嚙畢而頓變爲乾者如此則患處多屬紅色或並有裂罅也○一論大水泡夫生此泡者或小如白豆或大如朱李而要之小者亦未幾而變大也大抵將起症處先發紅色而後生泡其泡所函之水始則甚清漸則變黃久則變紅而一經破後則或結黃靨或結黑靨若

將該靨挑去則見其靨下之肉紅且爛也且此泡有只生一顆者有迭生數顆者若屬數顆則或散開而生或連環而生醫者亦宜察也○一論小瘡凡起小瘡者亦先由內層膿水發漲故外層之皮卽凸起也但此症有兩種一種係一起卽函膿者一種係始則函水末幾而變爲膿者而且該瘡形狀亦有三者不同一係尖而硬的其瘡底畧帶紅色此則多生於毛管之處也一係生而較大者其形凸其色紅而瘡底亦頗硬迨至結靨其靨亦厚而黑也一係其形甚尖而多生於頭上者醫者概宜細辨○一論生鱗蓋鱗有兩種一係由皮膚有患而生者一係由體內有症而後生者而且該鱗之形復有二

者各殊。一種因外層之皮生多搔之卽墜此其畧似鱗者則
幼而薄也。然而鱗亦有白而厚乾而硬者醫者正宜分辨。一
種按其鱗生之處若有油膩者醫者嘗敷以顯微鏡則見其形
而恍如有枝相連焉。但此症時有發癢若揭去該鱗而鱗底之
肉則甚紅。又況受症若深而患處則並有裂罅也。凡生鱗一症
不外如此。若夫結靨則不人生鱗之類。學醫者宜分晰焉。一
論毒瘤。蓋此瘤較大於瘰粒而多屬軟的。然亦間有硬者也。患
此症者或由漸出膿或不久自消。彼俗名大沙蹄與蠶食桑之
症卽屬此種。而且西醫所謂間沙、欽賚及附廉卑時了等症亦
屬此類也。但此症有受毒甚深者有受毒尙淺者。其在深症則

週身有毒縱將患處割去而仍慮復發其在淺症則惟患處有
毒若將該處割去卽不復發也 已上一切病狀學醫者皆宜
深究

皮膚新編目錄

皮膚全章 共一百二十八節 內分八冊

第一冊 自第一節起至第十一節止。論皮膚諸症之大端

第二冊 自第十二節起至第五十二節止。論皮膚之乾症

第三冊 自第五十三節起至第七十三節止。論皮膚之濕症

第四冊 自第七十四節起至第八十八節止。論皮膚發膿瘡

第五冊 自第八十九節起至第九十八節止○論皮膚浮腫

第六冊 自第九十九節起至第一百零六節止○論皮膚色變

第七冊 自第一百零七節起至第一百一十九節止○論皮膚之症專向毛髮等處而生

第八冊 自第一百二十節起至第一百二十八節止○論皮膚之症係因疔毒而致及大小雜症

另附各藥方

皮膚新編

美國 嘉約翰口譯

莆田 林湘東筆述

皮膚全章 共一百二十八節。內分八冊

第一冊

自第一節至第十一節。論皮膚諸症之大端

第一節 大抵皮膚之症甚多，學醫者正宜細察。蓋皮膚初患症時，原易分別。若日久則形狀變更，將類於別症，是豈得不留心細辨乎？推其故，固由患症已深，而或因衣服觸傷，或因發癢搔破等情，亦能令形狀之變更也。又況皮膚等症，有不能傳染於人者，亦有能傳染於人者。學醫者宜先熟悉各種形圖而後

臨症庶能辨別

第二節 凡皮膚發炎而症卽起焉其生出諸般病狀蓋較諸內皮發炎爲更多也醫者欲分斷各症則平日宜將各種形狀考覈清楚始有定見

第三節 人身之皮有三層而惟外層之皮則毛管極多也蓋該管有生毛者有發汗者有出油者誠以該管之裏則有微細脈管微細迴血管與及腦氣筋而後有此功用也若夫皮之有微凸者在西國則名爲霸卑離倘霸卑離生大卽屬俗名飯噬之類至外層之皮或變厚硬則將起雞眼之症醫者悉當深察之也

第四節 皮上出油之管、倘有窒礙、則該管處漸起黑暗之色、此因油積滯而然也、若用指捻之使出、則管口所出者、恍如纖細之蟲、他如該管發炎、西國則名爲厄呢、即俗名紅酒蛇、醫者嘗以顯微鏡覈之、則見其管裏而有微蟲所伏也、但該蟲之頭、每多向入、此不過油積所致、而要不能爲患、至若管口阻塞、脹大而致成細瘤、西醫則名爲摩羅士金、此尤宜細驗也、

第五節 皮膚之症、其恍如有枝相連者、蓋有三種、大抵生於髮裏者、則有兩種、屬於皮膚生鱗者、則有一種、醫者欲觀其形、卽於患處取些髮鱗、而先浸以飯養水、後覈以顯微鏡、則見其形狀參差、而若有枝相連也、

第六節 此論天呢丫化通沙之症而有枝相連者也其症詳

下第一百零八節

圖見第一

第七節 此論天呢丫丹蘇欄之症而有枝相連者也其症詳

下第一百一十三節

圖見第二

第八節 此論人身生蝨宜被除也但蝨有三種 一種生於

髮內者若小兒髮內有蝨則將因此而生別症也 一種生於

衣裏者若老人衣裏有蝨則將因此而生癢癬也 一種生於

陰毛之處

即俗名三角蝨

患此蝨者亦將生癢癬也

圖見第三

第九節 此論濕癩之有蟲者也若手上生之則該癩之旁將

現出一曲路之形而即有微蟲伏在路後由是該蟲復生橫於

路上則爲患將漸深矣。顧此蟲無論牝牡均有八足，所少異者牝蟲則畧大，而牡蟲則畧小耳。至該蟲所生之櫛，大約歷十一日則成爲小蟲，迄十八日則先生六足，於是小蟲並脫去上面之皮，而卽生齊八足也。圖見第四醫者欲驗該癩之蟲，宜先令其洗淨，大抵癩粒之旁，而見有白點發現者，此卽有蟲伏在裏也。醫者宜用小刀尖，輕輕挑破上面之皮，卽行取出此蟲，放在玻片，而用顯微鏡覈之，則該蟲之形自可細察。至於癩粒之旁，其有現出一路者，亦有不現出一路者，醫者又宜辨也。○又法欲驗該蟲，宜用鎔養五分，清水八錢，和勻，卽揭起癩櫛，放入同煎，俟水滾，則倒在磁杯。此杯宜上濶下尖的，蓋取其易于墜下也。次用小玻管取出該櫛。

而放在玻片之上，由是覈以顯微鏡，則醫內之蟲亦可畧見其形矣。

第十節 此言皮膚之症爲患最多，大抵自第一節至第十節，是論皮膚諸症之大旨也。自第十一節至第九十八節，是論皮膚患處，則有或熱或腫，或癢或痛，或乾或濕，與夫或變厚或生鱗也。自第九十九節至第一百零六節，是論皮膚色變，而患處則無發熱也。自第一百零七節至第一百二十八節，是論皮膚之症專向毛髮等處而生也。學醫者誠細玩之，自能分晰。

第十一節 皮膚之症不一端，其現有腫凸而畧實者，宜玩下

第八十九節若現下雖無腫凸而詰其初時則有腫凸亦宜玩下第八十九節至皮膚或乾或濕又宜察之若現屬乾的則詢其初時曾否有濕而且或有麤或生鱗更宜分辨蓋麤係膿漿及血水所成而皮膚必濕此宜玩下第五十三節鱗係外皮多生所致而皮膚必乾此宜玩下第十二節也

第二冊

自第十二節至第五十二節○論皮膚之乾症

第十二節 大抵皮膚之乾而起症者有三種 其一則發出

小粒 其二則生鱗 其三則發現紅色顧有作癢小粒者則

宜玩下第一十三節若無小粒而只生鱗者則宜玩下第二十六節若既無小粒亦無生鱗而惟發現紅色者則宜玩下第四